



REPUBLIKA E SHQIPËRISË

MINISTRIA E FINANCAVE DHE EKONOMISË
DREJTORIA E PËRGJITHSHME E DOGANAVE
DEGA E DOGANËS VLORE

Nr. 3058 Prot.

Vlorë, më 03/10/2023

Lënda : *Kërkesë për Shpallje Publike të aktit administrativ (Vendimi i kontabilizimit)*

DREJTORISË SË PËRGJITHSHME TË DOGANAVE

DEPARTAMENTIT ADMINISTRATIV

• Drejtoria së Burimeve Mbështetëse

Në respektim të Ligjit Nr.102, datë 31.07.2014 “Kodi Doganor i Republikës së Shqipërisë”, nenit 162 të Ligjit Nr.44/2015 “Kodi i Procedurave Administrative i Republikës së Shqipërisë”, si dhe në zbatim të Udhëzimit Nr.15, datë 03.12.2018 të Drejtorisë së Përgjithshme të Doganave Tiranë, “Mbi evidentimin, kontabilizimin dhe rikuperimin e detyrimeve të papaguara doganore dhe të akcizës”, kërkojmë nga ana Juaj Shpalljen Publike të një akti administrativ – Vendimi i kontabilizimit të detyrimeve doganore si vijon :

- Nr.68, me Nr.1875/1 Prot., datë 28/08/2023, i materializuar për subjektin “MEDICAL MASEDA” sh.p.k, me NIPT M06608201K, me seli në Vlorë (Lagja “Bashkimi”, Rruga “Hasan Tasin”, objekti nr.924, kati i parë).

Bashkëngjitur, gjeni kopje origjinale të aktit të lartcituar - gjithsej 5 (pesë) fletë.

Jemi në pritje të konfirmimit nga ana Juaj për datën e shpalljes së aktit të lartpërmendur.

Duke Ju falenderuar për bashkëpunimin,

KRYETAR

Artan Bedinaj





REPUBLIKA E SHQIPËRISË

MINISTRIA E FINANCAVE DHE EKONOMISË
DREJTORIA E PËRGJITHSHME E DOGANAVE
DEGA E DOGANËS VLORË

Nr. **1875/1** Prot.

Vlorë, më 28/08/2023

V E N D I M N r . 6 8

Sot, më datë 28/08/2023, unë Kryetari i Degës së Doganës Vlorë, pasi shqyrtova rekomandimin e lënë nga Drejtoria e Auditimit të Brendshëm pranë Drejtorisë së Përgjithshme të Doganave, i mbajtur në ngarkim të subjektit “**MEDICAL MASEDA**” sh.p.k, me NIPT M06608201K, me seli në Vlorë (Lagjja “Bashkimi”, Rruga “Hasan Tasin”, objekti nr.924, kati i parë), si dhe pas marrjes në shqyrtim të Proces - Verbalit të verifikimit të kundërvajtjes administrative me numër serial 0007851, nr.2586 Prot., datë 24/08/2023, i mbajtur nga ana e Grupit i Kontrollit,

K O N S T A T O V A S E :

Nga ana e Drejtorisë së Auditimit të Brendshëm, është dërguar shkresa me Nr.441/10 Prot., datë 19/07/2023, protokolluar me Tonën me nr.144/10, datë 20/07/2023, me lëndë “*Dërgohet Raporti Përfundimtar për auditimin e kryer në Doganën Vlorë*”. Bazuar në këtë Raport Final, si dhe bazuar në legjislacionin doganor, pas një studimi të hollësishëm të tij, nga Dega e Doganës Vlorë u hartua “Plani i Punës” me nr.144/11 Prot., datë 04/08/2023, duke parashikuar në të, masat dhe Zyrat (personat) përgjegjëse të ngarkuara për zbatimin e detyrave konkrete. Nga ana e Grupit të Punës është kryer rishqyrtimi i rekomandimit të lënë ndaj këtij subjekti.

Nga kontrolli dhe verifikimi i kryer, rezulton se subjekti “**MEDICAL MASEDA**” sh.p.k, me NIPT M06608201K, ka përfituar nga ana e Drejtorisë së Përgjithshme të Doganave autorizimin për regjimin e përpunimit aktiv Nr.11231/1 prot., datë 15.07.2020, për prodhimin e veshje dhe aksesori të ndryshëm për përdorim spitalor, përparëse, garëza, fasho, mbulesa aparturash për salla kirurgjikale.

Sistemi i autorizuar: me pezullim; Sasia e vlerësuar: 90,000,000 copë; Vlera e vlerësuar 2,000,000 Euro; Kufiri kohor për rieksporim: 365 ditë; Periudha e vlefshmërisë: 12 muaj.

Mallrat që do të vendosen nën regjimin doganor janë me kod tarifor si vijon : 5603-09, 6210, 6217, 5205, 5208, 5401-02, 3919-21, 3923, 3926, 4803-04, 4818-21, 3506, 9606, 8307-08, 4008, 6306.

Produktet kompensues të përfituara nga përpunimi i lëndëve të para do të jenë sipas kodeve tarifor si vijon : 6210, 3005, 6302, 6307, 4202.

Në fund të periudhës të regjimit të përpunimit aktiv, bilanci material sipas sistemit Asycuda / data base kombëtar, paraqitet:

Tabela. Nr. 1

Nr	Emertimi	Procedura	P. Neto	Tar Pri	Tax. Dog
a	Import 5	5100	2475	5472	0
b	Import 4	4051	2475	5472	0
c	Diferencat (a-b)		0	0	0

Referuar nenit 192 të Ligjit Nr.102/2014 “Kodi Doganor i Republikës së Shqipërisë”, pika 2 “Autoritetet doganore japin autorizimin me efekt prapaveprues kur plotësohen të gjitha kushtet e mëposhtme : a) ekziston një nevojë ekonomike e provuar; referuar të dhënave të tabelës të mësipërme, shihet qartë që operatori kushtin ekononmik nuk e ka plotësuar.

Në analizë të data base kombëtar operatori ka importuar makineri me kod Shtesë IPO, Kodi i procedurës të zgjeruar 4200, autorizimi nr.74, me nr.4047/1 Prot., dt. 04.12.2020, “Për Përrjashtim nga Tatimi mbi Vlerën e Shtuar”, DAV-i Imp. 4 me nr.R 12389, datë 04.12.2020

R12389 datë 04.12.2020										
Datë	DAV-i	Procedura	NK-8	Përshkrimi	Sasia Cp	P. Net	Vl. Fat. USD	Transport i jashtëm	Vlera Statistikore	TVSH
12/04/20	12389	4200	84490000	MAKINERI PER PRODHIMIN E MASKAVE ,	1	1,380	58,000	148,138	6,305,418	1,261,084
12/04/20	12389	4200	85158090	SALDIMIN E RRIPAVE ELASTIK TE MASKAVE ,	1	100	226	578	24,570	4,914
Totali									6,329,988	1,265,998

Autorizimi nr.74 datë 4.12.2020 për importimin e makinerive të mësipërme është lëshuar në bazë të Ligjit Nr. 92/2014 “Për Tatimin e Vlerës së Shtuar në Republikën e Shqipërisë”, neni 56, pika 38, V.K.M nr. 953 dt., 29.12.2014, “Për dispozitat zbatuese të Ligjit nr. 92/2014” neni 8.

Referuar të dhënave nga data base kombëtare, konstatohet se për operatorin “Medical Maseda” sh.p.k nuk ekziston një nevojë ekonomike e provuar kjo nga më sipër (tabela nr. 1), gjithashtu referuar nenit 192 të Ligjit Nr.102/2014 “Kodit Doganor i Republikës së Shqipërisë”, pika 2 Autoritetet doganore japin autorizimin me efekt prapaveprues kur plotësohen të gjitha kushtet e mëposhtme: a) ekziston një nevojë ekonomike e provuar;

Referuar nenit nr.8, pika 2, të V.K.M nr.953/2014 “Për dispozitat zbatuese të Ligjit nr. 92/2014”, përcaktohet shprehimisht se “Importimi i makinerive dhe pajisjeve të përcaktuara në pikën 1 të këtij neni, është furnizim i përjashtuar nga TVSH-ja, vetëm në rastet kur të tilla makineri dhe pajisje importohen në funksion të realizimit të kontratave të investimeve dhe importuesi është vetë personi i tatueshëm që realizon investimin ose përdor makinerinë ose pajisjen, pra operatori “Medical Maseda”

shpk me NIPT M06608201K është personi i vetëm që përdor makineritë e importuara me përjashtim nga pagesa e TVSH-së në import.

Në nenin 158 pika 2 të ligjit 92/2014, “Për Tatimin mbi Vlerën e Shtuar në Republikën e Shqipërisë”, përcaktohet shprehimisht se: “Administrata doganore ka përgjegjësinë për të vlersuar, ngarkuar, kërkuar dhe mbledhur TVSH-në në import, eksport dhe në lidhje me regjimet e tjera doganore, sipas këtij ligji”. Neni 6 pika 20 të Ligjit nr. 102/2014, “Kodi Doganor i Republikës së Shqipërisë” përcaktohet se “Detyrim Importi” është detyrimi doganor që duhet paguar në Importimin e mallrave.

Fakti që, operatori nuk ka kryer asnjë investim, nuk i ka vënë makineritë në funksion ekonomik të autorizimit nr.11231/1 datë 15.07.2023, nuk ka njoftuar autoritet doganore mbikqyrëse për ndryshim të rrethanave ekonomike të tij, kjo përbën shkelje doganore.

Operatori “Medical Maseda” sh.p.k i cili ka përfituar nga lehtësia fiskale e përjashtimit nga pagesa e TVSH në import, ka patur detyrimin ligjor të njoftojë autoritetin doganorë – Vlorë mbi çdo ndryshim në veprimtarinë e tij tregtare që lidhet me destinacionin e makinerive dhe pajisjeve të importuara me përjashtim nga pagesa e TVSH-së.

Bazuar në nenin 253 shkronja b dhe c të ligjit 102/2014 “Kodi Doganor i Republikës së Shqipërisë” parashikon si kundrvajtje administrative të kryer me dashje, mos njoftimin e autoriteteve doganore nga operatori, konkretisht *“Pa cënuar dispozitat për kontrabandën, veprimet ose mosveprimet e mëposhtme përbëjnë kundërvajtje të kryera me dashje:*

b) mosrespektimi nga personi, ndaj të cilit është dhënë vendimi, në lidhje me zbatimin e legjislacionit doganor, i detyrimeve që rrjedhin nga ky vendim, në përputhje me pikën 1, të nenit 28;

c) mosrespektimi nga personi, ndaj të cilit është dhënë vendimi, në lidhje me zbatimin e legjislacionit Fletore Zyrtare nr.134, datë 22 gusht 2014 6147 doganor, i detyrimit për të informuar autoritetet doganore pa vonesë për çdo faktor që lind pasi vendimi është marrë nga ato autoritete e që ndikon në vazhdimësinë ose përmbajtjen e tij, sipas përcaktimeve të pikës 2, të nenit 28.

Në nenin 258 pika 1 shkronja ‘a’ të ligjit 102/2014 dt., 31.07.2014 ‘Kodi Doganor i Republikës së Shqipërisë’ citon se: *‘Sanksionet e vendosura për kundërvajtjet e përcaktuara në nenet 253 dhe 254 duhet të jenë efektive, proporcionale e dekurajuese dhe vendosen brenda kufijve të mëposhtëm: a) kur kundërvajtja ka të bëjë me mallrat (ndryshime në sasi, vlerë, origjinë, lloj) dhe sjell diferenca në pagesën e detyrimeve që duhen paguar për mallrat, zbatohet sanksion në masën 3-fish të detyrimit të munguar.*

Referuar nenit 261 të këtij ligji, sanksionet e përcaktuar në nenet 256 deri në 259 zbatohen edhe në rastet e kontroleve pas çlirimit të mallrave (aposteriori).

Në mbështetje të kërkesave të nenit 250 pika 1/a dhe pika 4, neni 253/b/c, neni 258/1/a dhe nenit 261 të Ligjit 102/2014 datë 31.07.2014 “Kodi Doganor i Republikës së Shqipërisë”, operatori ekonomik

“Medical Maseda” sh.p.k i llogariten penalitetet në masën e 3 – fishit të detyrimeve doganore në import sipas tabelës të mëposhtme.

Detyrimi Doganor	Penalitet	Totali
1,265,998 lekë	3,797,994 lekë 3-fish Neni 251 pika 1/a	5,063,992 lekë

Rezulton se Dega e Doganës Vlorë, bazuar në nenin 41 e në vijim të Ligjit nr.44/2015 “Kodi i Procedurave Administrative i Republikës së Shqipërisë”, si dhe bazuar në legjislacionin doganor, ka proceduar me shkresën Nr.1875 Prot., datë 27/06/2023 me lëndë “Njoftim mbi fillimin e procedurës administrative”, me të cilën ka njoftuar subjektin për fillimin e procedurës administrative. Gjithashtu, Dega e Doganës Vlorë, ka proceduar edhe me njoftimin elektronik, me email-n e datës 29/06/2023, ora 09:30, me lëndë “Njoftim mbi fillimin e procedurës administrative”.

Referuar nenit 250, pika 2, të Ligjit nr.102/2014, datë 31.07.2014 “Kodi Doganor i Republikës së Shqipërisë” (i ndryshuar), në të përcaktohet qartë që : “Kundërvajtje administrative është shkelja me faj e dispozitave ligjore ose nënligjore në fushën doganore, të kryera me veprim ose mosveprim dhe për të cilat ky Kod parashikon dënim administrativ”.

Më tej, nga ana e Zyrës së Mbikqyrjes Doganore pranë Degës së Doganës Vlorë, pas marrjes në shyrtim të rekomandimit, është mbajtur Proces – Verbali i verifikimit të kundërvajtjes administrative me numër serial 0007851, nr.2586 Prot., datë 24/08/2023, i cili i është njoftuar subjektit me shkresën nr.2586/1 Prot., datë 25/08/2023, me lëndë “Njoftim i proces – verbalit për verifikimin e kundërvajtjes administrative”.

Për sa më lart, mbështetur në Ligjin 92/2014 “Për Tatimin mbi Vlerën e Shtuar në Republikën e Shqipërisë”, Ligjin nr.102/2014 “Kodi Doganor i Republikës së Shqipërisë” (i ndryshuar), V.K.M nr.651 datë 10.11.2017 “Për dispozitat zbatuese të Kodit Doganor”, Udhëzimi nr.4, datë 28.03.2019, “Për zbatimin praktik të regjimit të përpunimit aktiv”,

V E N D O S A :

- Subjekti “MEDICAL MASEDA” sh.p.k, me NIPT M06608201K, me seli në Vlorë, detyrohet të paguajë detyrimin doganor në shumën **1,265,998** (Njëmilion e dyqind e gjashtëdhjet e pesëmijë e nëntëqind e nëntëdhjet e tetë) lekë, për deklaratën doganore IMP.4 – R 12389, datë 04/12/2020.
- Subjekti “MEDICAL MASEDA” sh.p.k, me NIPT M06608201K të penalizohet në në masën e trefishit të detyrimit doganor të papaguar në shumën **3,797,994** (Tremilion e shtatëqind e nëntëdhjeteshtatëmijë e nëntëqind e nëntëdhjet e katër) lekë, bazuar në nenin 258/1/a të Kodit Doganor.

- Zyra e Financës, Borxhit Doganor këtu, të kryejnë menjëherë kontabilizimin e detyrimeve përkatëse dhe të zbatojnë procedurat ligjore në fuqi, me qëllim rikuperimin e detyrimeve doganore.
- Zyra e Mbikqyrjes Doganore të procedojë me mundësimin dhe vënien e mallrave përkatës në regjimin doganor të duhur, konform përcaktimeve të legjislacionit doganor për regjimin në fjalë.
- Kundër këtij vendimi, subjekti “MEDICAL MASEDA” sh.p.k, me NIPT M06608201K, i lejohet të ushtrojë ankim administrativ të arsyetuar brenda 30 (tridhjetë) ditëve nga marrja dijeni e këtij vendimi, pranë Drejtorit të Përgjithshëm të Doganave - Tiranë, duke parapaguar 100 % detyrimin doganor (kundrejt amendimit të deklaratës doganore), si dhe duke garantuar 100% penalitetin doganor, në zbatim të nenit 282 të Ligjit nr.102/2014 “Kodi Doganor i Republikës së Shqipërisë”.

KRYETAR
Artan Bedinaj

